

順齋先生閑居叢藁

二

順齋先生閑居叢藁卷之一



上海圖書館藏

男 蒲機 類編

門生 薛懿 校正

古賦

雪軒賦 并序

延祐四年余與牛君楚臣同官於翰林
國史院始獲相識君京師人宰
相知其賢而有文以白衣辟用授
國史院編修官未幾求去余私謂從

叢藁卷之一

君游者檢閱宋文郁曰第語牛先生
云今司文柄者徒欲得君之賢以為
此職非責以朝夕奔走期會姑少留
得俸金以給饘粥可乎文郁以告君
曰蒲之意甚厚然吾以早衰不能勉
強非不樂此職也但食人之食而不
事其事吾不為也遂決辭余聞之深
有愧其言暨余承乏國學君使人持
雪軒卷求余序引余竊思君之取義

於雪其必有深意焉今試以君平昔
觀之則夫雪之皓然一色皎而不污
者庸非君之潔乎其掩穢覆瑕者庸
非君之有容乎其條然而集忽爾而
釋與時變化者庸非君之出處乎若
夫為秣麤之瑞則君之孜孜講學以
善及人者可知矣至如天葩繽紛匪
雕匪刻作止踈密飛舞之態而其文
章之妙天機所到非有意而為之者

似焉宜君之以雪名軒而識者亦以
為然也向所謂賢而有文與其翻然
而去不以窮達累其心者於茲而益
信噫君子樂道人之善而欲播於歌
詠者觀此有以識其大方云既以為
之序又從而賦之

牛君楚臣以雪名軒太常陳子悉著
于篇而又徵文於余也余掇取陳子
之所棄者以為言方其玄冥用事白

晝將夕嚴風乍止同雲空集天花散
墜彌望如一飄然而入吾之戶忽爾
而縞吾之室余乃掩關退處蟄坏其
居蕭蕭騷騷鳴吾竹窻之紙皎皎潔
潔映吾槩几之書悅虛白之漸生渺
俗慮之絕無當此時也或倚團蒲以
聽其聲或據槁梧以觀其色神曩灑
然而昭蘇肝膽以之而瑩澈如生乎
鴻濛之世與澆風之懸隔如獨立萬

物之表蛻垢氛而超邁此伯夷采薇
於西山求仁而有得而顏子躬四勿
之訓已私之盡克之時也歟噫微斯
人而與言啜茗飲以冲默

古詩

四言

贈宗石泉相士

石以為甃泉居其中塵滓莫染渟滯
涵空粵有道人瞭然雙瞳鑒物無遁

與泉則同氣色顯晦骨相窮通我亦
何心爾賦斯容挾術見訪柰予已翁
水落石出一笑相逢

五言

送鄧明仲之察司書吏

鄧生鄉曲英行業雅脩整遇事膽輪
困折秉言骨鯁匹馬走京師載筆上
臺省櫝玉正求沽囊錐初脫穎相望
五千里寄聲問幽屏去秋解鞍馬過

我情味永誰知離別久復此游從幸
一朝忽徵詩遽以行期請云承憲司
檄欲往親簿領青雲有餘地白日無
停景滿意取功名歸來娛定省

張教授盆池石山種梅

曲江安靜退閉門但却掃精心砭礪
餘頗復事幽討嶮崿一拳石愛惜如
至寶種梅於其顛硤确費天巧慙
十二冬要看花實好傍人笑我癡我

意真自保南枝冰的樂今果慰懷抱
無勞歎春遲似比蟠桃早吾聞橘中
樂不減商山皓况此大觀中覲面即
蓬島何須窮弱水墊沒死枯槁持酒
壽先生一醉洗衰老

次王仲禮九日感懷韻

佳節成虛擲悵如捐百金秋菊夕可
食徒為楚騷吟獨有淵明家足以供
幽尋淵明家所愛興同無古今眼中
人豈之然各懷其心所以子期沒伯
牙應輟琴東籬景依舊白衣奚再臨
無酒須謀賒滌此塵埃襟誰能起廢
會庶令朋盍簪

九月十五日李子文席上佳

節若為酬分韻得節若

書生時時愁富家日日節乘此閑暇
時不飲何怡悅樽前三四友年少文
愈傑新詩落筆成句句皆清絕酒來

不須辭要使頽吾頽
菊節過六日友人邀小酌我時適無
事來意已不卻賓主情況熟笑談應
自若欣然具肴核不豐亦不約沿溪
共徘徊秋景正蕭索留連興未闌野
鴉啼日落

逸題

馱驥千里心奔馳追電掣一朝羈維
中不能前跛驚士生天地間出語比

稷契豈知與世譟舉足便差跌當途
爛羊封空谷白駒潔胡弗事諂諛苦
自完氣節曲肱陋巷貧炙手權門熱
行藏道所係去取今已決倘佯復何
為歌詠自怡悅惟知詩語工遑恤生
涯拙

閑居紀事二首

客從長安回叙闊訪鄰里貌悴於去
時因而問所以客悲向我言此行幸

脫死長安遭飢荒食盡到糠粃升合
貴不貲珠金何足恃凌晨出求糴于
于如櫛比暮歸持空囊菜色皆相似
老弱困且羸行隨墻壁倚村墟向昏
黑剽掠羣兇起咸云田中麥苗枯無
雨水今年如弗收炊爨當易子予聞
重歎嗟禍及乃至此八政食為先周
書二徵旨天下苟有飢稷思若由己
梁惠戰國時民粟知移徙一夫不獲
增驚悸耳

古人制昏禮所貴在人倫冠笄年既
邁受幣方交親後世雖偷薄十中五
猶遵如何至今日彝典俱湮淪男癡
已合配女幼皆成姻安知慮天壽奚
暇占吉辰媒妁走市井鼓吹喧城闈

百年祇倉卒大事為因循問之何處
然詔云選佳人傳聞至太甚意失非
本真正道難化俗訛言易惑民於初
苟不慎其末弊將臻寄聲秉鈞者風
俗何時淳

送齊府判北行

北風天欲雪欵樞君話別袖出諸公
篇意不容我缺蹇余適丁艱離况轉
悲咽情深詎可辭政美難悉說君才

信更煉民瘼亦究徹正論當風霜始
怒終見悅侯邦居末僚用未盡施設
頗聞求閑局此行計已決謀此則云
善許國奚自潔况今訪落初求治正
急切肯將棟梁具小用為居楔秉鈞
方得人此語宜中節

送府史竇彥立遷調奉元

藹藹府中英夫誰可屈指竇君長安
人衆論共推美氣和更敏才志銳方

壯齒留曾無芥蒂出語有綱紀一朝
過我辭試問其所以廟堂新立法為
吏互遷徙簡書迫程期信宿不容止
門當道途旁所幸還鄉里聞之心惘
然別緒紛莫理一杯送歸鞵一言贈
吾子人生重名節不義深可恥青雲
路雖高欲致由踐履去去宜勉旃好
音行洗耳

次德衡弟韻五首

書卷一

九

古道不可作轉覺澆風長人心所去
就但與時炎涼燕石藏十襲連城遺
路傍汝賢乃迂濶汝直成狂狷世味
鼎一臠人爭染指嘗伊我澹無慮簞
瓢身世忘處污奚害潔視變皆為常
彼哉聲利徒末路空皇皇
羲和破凜冽可愛固其宜晨興盥漱
罷茅簷與相期晴光亂錦繡口有難
言詩溫然寓天理令人蕩邪思苦恨

白晝短忽忽光陰移冬者歲之餘為
學當及時禮樂三十字它年對丹墀
萬物長養極歸根以成冬四時只如
此鬱鬱南山松猶人內主敬外貌嚴
而恭肯隨桃李花嬌靚為君容澗壑
老不悔工師非願逢

用心欲剛明為學貴專靜人之不已
知於吾奚所病風月自清閑篇章足
歌詠鐘鼎與山林從來各天性其肯
枉尺尋獲罪於前聖著龜無庸決去
取予能定

古人進道心如冰朝東勢滔滔晝夜
間欲已而不已明德與新民顛沛必
於是吁嗟朱子沒道統誰能嗣年馳
志弗立豈不增驚悸學而徒為人固
非分內事區區斗筭才恃彼詞鋒利

簡德衡弟戒飲

人生有秉彝尤物害之極麴蘖本致

和為禍亦云劇夏后防其源遂見疎
儀狄周公戒淫泆作誥何諄悉大則
國政隳小則家業失甚則遭戮辱否
則成痼疾書傳之所載歷歷記疇昔
如何後來者乃循覆車迹吾弟頗涉
躡豈不增夕惕憶余自童幼杯杓素
所嫉無何人強勉頗亦開涓滴當其
下喉時惡藥與沙礫方知醪酎中特
賴扶持力苟若輕放肆野馬恣奔逸
所恤

餞杜仲正經歷美解東歸

脫屣蘭省掾曳裾蓮幕賓
胸中自水鏡筆底皆陽春
面無喜愠色口不感
否人餘事及文翰出語清絕塵
佳篇屢貽我玉唾光猶新
寒齋坐移晷傾寫見情真
瓜期遽云代歸意浩無垠

渺渺關山路皚皚霜雪晨留之不肯
佳握手但酸辛後會知何時別離宜
自珍

題竹雀圖

昔聞丹穴雛棲梧而食竹要看五色
羽輝映森森玉歲晚不一逢黃雀乃
見辱此君初無心汝得暫棲宿

壽甫教授徵余文漫成二詩
人生天地間分定不可移得亦胡為

喜失亦胡為悲我今兩俱置順適了
無疑惟餘樂善心蚤夜以孳孳
我本空疎人虛名謾驚俗外誇實未
充內省恒自慙已然知柰何勤學補
不足庶用期寡過慕榮非所欲

贈雪梅相者

天爵人不脩妄意希富貴縱然貌可
取其中復何謂道人慎許可更當窮
本原子游裴行儉予乃無間言

贈月軒日者

月軒挾術游言論非剽竊星筴相命
書一理皆貫徹為人推禍福昭若合
符節豈比浮誇徒枯中但饒舌

寄太子賓客王山木

公昔解郡紱漢中久盤桓江山發令
姿草木有榮觀逸興超物表清辭落
毫端而予等燕雀何幸隨鳳鸞閑居
侍函丈議論驚層瀾或時舉玉趾乘

興看藥欄優哉聊卒歲俯仰天地寬
胡為召檄至去住處尤難義有不可
辭促裝對金鑿

儲君得正士學問資甘盤固知神明
相獲遂寢食安恨無飛仙藥使我生
羽翰一往見顏色晨昏奉清歡

題田氏壽母詩卷

啜菽胡可樂列鼎胡可悲蓋以親為
心貧富安定移田君偉男子母老鶴

髮垂立身掾冬官祿養諧心期金卮
獻壽社綵服為兒嬉慈顏自怡悅堂
上春熙熙八秩又四稔康寧殊未衰
晚福方川增會當慶期頤

題袁氏忍恕堂

袁氏啟華構而以忍恕名求詩發其
義為子且細評治家苟不忍觸事成
乖爭待人苟不恕施舍違常情癡聾
可作翁和順無操兵立心務寬綽絮
矩皆方平同族歡弗間在邦怨奚生
勗哉事斯語千古垂芳聲

陝州盧知事服闋從仕

忠孝欲俱立在人良亦難歸養失委
質出仕曠問安進退求一可重輕察
兩端見危當致命處常易休官盧君
佐戎幕陟岵時長歎豈以升斗祿而
忘菽水歡挂冠奉甘旨具衣適燠寒
愛日既云久號天復吞酸終制始從

調國光一再來觀識面詢所履敢為武
弁者資爾事父敬葵傾寸心丹庶完
終始節令名垂不刊

也先帖木兒承旨先塋樹碑
堂開府公接士如不及天教長詞林
聲譽何洋溢叔羅得英彥繁若瑚璉
質載筆登鑿坡贊助誠有益念切知
已報此身寧自惜矧茲武穆王帝室
勲業岌詔許樹豐碑文章爛星日君

行從所主光彩動鄉邑便私非素心相
事無遺力歲晚期旆還扶搖看搏翼

題五麟圖

孔子不得位麟出非其時感而作春
秋絕筆亦在茲拭面固無取心亦含
深悲麟名自此著聖為百世師彼昏
草木腐此獨日星垂仰德罄終古不
泯惟民彝

萱春堂

寸草至微物發生待春暉惟人有此
身豈不感慈闈育我顧復我須臾無
暫違教誨至成立獲此食與衣罔極
恩難報竭力猶庶幾三復郊也句餘
情重依依緋衣兩昆季純孝知所希
有賴憲幕賢扁堂仍發揮令我撫卷
歎遙瞻白雲飛噫歎傲斯人吾誰與
同歸

題雍氏通玄類證續編

卷一

十六

為醫本濟世不善或人弗學亦云
已學則窮本真有生疾傷寒最
危身陰陽及虛實務要識所因毫釐
少差失生死分夕晨雍君業難素授
若歧黃親類證著續編張門有忠臣
百問指諸掌條理細敷陳刊之使行
世信無天折民斯人用心溥奚問越
與秦始知天地間通貫乃為仁撫卷
重歎息我志何時伸

送翰林沙知印之武州倅
沙君西域英言動安且詳久矣被推
擇登茲白玉堂日與羣彥集職恭持
印章年滿當補外五馬分輝光豈惟
我志得要覩斯民康異時樹風猷無
愧漢循良

題何氏孝友義士詩卷

人生天地間萬殊一本原由親洎疎
遠施有隆殺恩我觀曹溪何衮衮來

慶源相承盡積德仁念心所根四世
弗異爨一家無間言孝養厥父母友
愛于弟昆波及顛連者為義勇勝賁
平糶救荒歎出貲周嫁婚黔教食餓
者翳桑命能存病藥死給襯衆善難
具論餘力宇仙釋並列孔聖尊上表
祝釐懇敢隨俗趨奔聲名達淵聰褒
詔如春溫彼哉嗜利徒欲蔽靈臺昏
既自厚封植復思窮弁吞私吝守愈

固豈思同化元題詩重歎息不覺辭
已繁要期引勿替傳之子若孫

題林氏義井詩卷

寒泉天一生苦惡其性死譬諸人之
身涕汗棄物耳惟餘玉池液漱燕內
充羨海濱斥鹵田饑司所經紀民聚
井味惡遠汲汗流泚林君丞於斯人
渴視猶已精誠致懇祈濬地泉湧起
冽寒異尋常烹飪倍甘旨捐金具博

甃砌甃護崩圯綆罌四駢集老稚悉
驚喜滿慰塵土心挹彼仍注此昔君
回歲荒施粟救鄉里乃今興惠利陰
德重積累既收勿羣功名記千百祀
題僧石隱詩卷

道本費而隱似無乃真實放則彌六
合卷則退藏密求其所以然了不見
形迹師從讀書未此理諒能識身行
京塵中石隱聊自譎天地如許寬豈

求石罅隙虫人莫說夢不必深致詰
題許魯齋慰狄子昭亡子書
聖學繼者誰本朝許文正說說門人
中脩短孰非命向來慰亡書今日深
起敬細觀遺翰墨滿紙皆情性

送逸姓氏還奉元

憶昔寓京日所接罕可人
衰然有奇士充賦來西秦
金絨五色線黼黻期
補紉知者喜收錄如磬獲
泗濱當年

行輩中齒髮尤青春
天馬不受羈海犀能辟塵
九載此重覲喜色含津津
贈我移蘭篇辭翰俱足珍
臭味既云同千里猶比鄰
還歸有公論主人方
肅賓

謝蔡叅政惠寄甘州枸杞

來自酒泉郡殷紅色尚新
去家不食此遠寄住家人
住家人老矣獨愛芳
甘味欣然親解包咀嚼
感珍惠

春晚山茶始開示德衡芽
山茶本冬花憔悴遂開晚儕輩聞芬
芳已獨尚息偃及茲春事深渥丹始
赫烜參列姚魏前正色無婉婉因之
觀我生平昔匪驕蹇衡門自棲遲臨
老遇摧挽朱紫皆少年跡親心自遠
華顛豈懷榮田里幸得返功名船上
灘歲月輪下坂撫樹三歎息歲寒同
繾綣

壬戌五月一日題所贈扇

小惠乃人為等此一扇材大德天地
功及物無邊涯搖時熱暫去停手熱
還來早晚秋風至灑然心目開

為扇解嘲次前韻

朱明天地鑪得此解愠材知君力所
及如我生有涯但當錄小善勿遽期
方來勛爾竹帛功相茲橐籥開

菊欄邊金錢盛開

黃菊未開時金錢為前驅顏色頗同
調節操乃爾殊地產富百鎰天質成
五銖鮮明宜露洗黯淡愁霜枯芳姿
甚可愛藥品時亦須連茹多或厭滋
萼久難圖不以詩湔沸恐隨凡草俱
體弱雖自植頭重還相扶

順齋先生閑居叢書卷之一

順齋先生閑居叢藁卷之二

男 蒲機 類編

門生 薛懿 校正

古詩

七言

為西軒先生賦冬日葵花

丁亥歲十月西軒先生園中葵花忽
開諸君子皆有詩愚謂葵雖凡卉然
詩人尚其有傾日之義且常開於盛

叢藁卷二

一

夏今反見於冬何耶抑亦為主人負
堯舜君民之志而處於幽閑之地其
畎畝不忘之意未始少衰為發此祥
或庶幾其理可得而推也因為詩以
獻諸先生且以識一時之事云

飛霜萬瓦方皚皚西園蜀葵胡為開
余愛此花當盛夏蒲眼旌節森亭臺
芳心見日長傾向依依有類朝君狀
古來風雅託草木屢遣詩人勞意匠

窮陰閉塞成嚴冬忽驚散火冰雪中
世間萬木凍欲死獨許凝笑依墻東
傍人省見皆咨愕余將以理解其惑
西軒先生花主人此祥有為非虛得
主人抱負經濟才合居鼎鼐調鹽梅
祗今白髮置散地淪彼伊洛傳將來
樂天知命年七十豈以用舍為憂懌
惟餘堯舜君民心至老不棄猶宿昔
對花洗盞壽先生先生有意須當傾

愚雖不敏亦非諂作詩聊頌肺腑情

賀白良甫兵後再聚 并序

白良甫子善卿兵後四十年死生契
濶今復再聚作詩以賀并餞善卿之
行善卿家屬在忠州欲先挈之錦城
然後迎其父為菟裘之計

香山先生已華顛老去無兒真可憐
一朝有客拜林前顧之不識誰使然
慙慙欲語聲哽噎眼睫淚迸如流泉

忍悲細為剖根原自昔普疑飛兵煙
子南父北各分散屈指經過四十年
但知骨肉成死別豈意今日皆生全
我初聞之玉堂仙撫膺擊節宵不眠
鄧攸陰德竟無報仲孺遺體知有緣
趨庭詩禮絕復傳事出意表寧非天
問君忠州盍言還云挈妻孥錦水邊
迎我雙親歸老焉甘旨奉養俱團圓
感君純孝真可賢終始更願心常堅

表墓卷二

三

因合墨卿書之牋會有三歎讀此篇
送周羽士

仙翁出塵貌竒古紫陽真人應乃祖
功德方升居下土亦知上界多官府
神游八極隘崆峒一雙青鳧翔漢中
玄都笑指心忽忽萬里還隨鶴駕風

仲春十三日大風雪

兩日東風何作惡橫將桃李花吹落
陽和歛忽變寒威曉來陡覺春衫薄

紛紛撲面飛蟲亂細看六花驚雪作
須臾眼界失舊觀玉殿瓊林起沙漠
細思節物恐差謬始信化工難測度
初遷喬木悔新鶯久屈重泉愁尺蠖
仰天致詰不我酬運候果誰司橐籥
便當努力戰客陰一掃晴空開六幕

與漢中道尚書吏

古人世利莫能誘千駟萬鍾不屑受
至今凜然有生氣名字烜赫垂星斗

彼雖富貴德匪稱一死真同草木朽
尚君結髮從簿書妙選已居風憲久
持身信若璧無瑕遇事何妨衣浣垢
竭來漢中兩見之循視初終自操守
願言此去加勉旃仰止前賢期尚友

題南褒草亭圖手卷

并序

褒邑之東宮曰玉虛旁有溪園地形
爽塏仲巖道錄取乾坤一草亭語意
誅茅搆其上西鄉令綱齋先生李進

臣爲寫此圖大尹山木公及名士品
題成巨軸故并及之

君知上界定官府故葺衡茅在江滸
離喧氣象接鴻濛昭儉規模存簡古
玉虛連延清境同勝地雅屬臞仙主
東西日月自縈繞高下乾坤時仰俯
晚山蒼翠鳥知還秋水空明魚可數
沉香富貴走太白浣花岑寂留工部
神游八極初不羈稅駕聊須憇茲宇

網齋一見心目舒老筆淋漓注風雨
流傳文士爭品題短韻大篇聯繡組
牛腰詩卷固不惡尚惜竒觀墮塵土
送廖道判身甫解職歸秦

廖君雖曰黃冠流頽然特出衆罕儔
踐履道行清而脩姓名久已登瀛洲
宗師令作漢中游掌判羽籍三年留
平心待人不攷求冲德應務知剛柔
一家無間誰操矛九折弗歷何摧輒

鶴長鳧短非我謀孰居無事生贅疣
以此繕性諸緣瘳愛君不置况爲仇
一朝告別催行騶黃鵠高舉攀莫留
浩歌把酒紓離憂他日有懷元丹丘
贈龍巖上人草書

韓云浮屠多技能祗今復見龍巖僧
高閑懷素去已久肯向死灰求續燈
手追心慕忽有得筆底渙然無滯凝
雲煙結暝鬼神泣雷電索恠蛟龍騰

懸崖百尋瀉瀑布老樹千歲垂寒藤
鐵爲門限自茲始但恐紙價相仍增
我聞雪庵亦工此好事徃徃輸縑繒
都城顏扁妙天下驟得榮寵非階升
龍巖更須追三昧無俾斯人專美稱
賀董宜卿得子又得乃尊拜
漢州太守之信

丹山鳳凰五色雛渥洼龍馬千里駒
春風年少董公子入掌英物初何殊

閭里相傳真盛事玉菓犀錢供利市
蘭湯浴罷錦裯濡頰豐盈胎髮膩
自慙湯餅先得嘗續補新詩書弄璋
君家好事重併至此兒賦命尤宜良
查查乾鵲噪庭止一幅親書來萬里
開緘預報得官歸到家便有添孫喜
玉牙珠顆嬌嚶呀乃翁開顏笑熙熙
飛騰它日姑置之萬金難博此一時

壽德衡弟

春風來處元無跡但見梅梢冰的皪
臘醅沽得亦自醲蒲注梨花浮重碧
眼明見此兩清竒便欲一醉哦新詩
側聞翎原傳好語借此爲君稱壽祺
題乞石烈總管夫人貞節卷
柏舟清風能啓予世雖相後如合符
平生不失歲寒節健婦果勝大丈夫
繁華一洗脂粉氣蕭閑自有琴書事
國家恩澤不負人已見門楣刊大字

送夾谷朶落牙同知

守能清白行無礙肥馬輕裘亦何害
內實空疎外示優褒衣博帶良足羞
人知翩翩貴公子誰料曾中蘊經史
倅州出手聊小試律已知人俱可紀
國初忠靖爲功臣其子作牧龔黃倫
孫今卓然乃如此世澤既久彌光新
頭君植志不少屈洗眼青天看橫翼
我窮無錐有此筆能爲諸公聲偉績

送吳閑閑真人

天風吹衣雨浥塵盧溝曉別詩境新
石梁雄據天下津羣峯迤邐西北垠
草木點綴生精神驕馬駐足車停輪
紛紛追逐皆朝紳相與祖餞爲何人
閑閑嗣師方外臣貌雖老氏心儒珍
恩許還家壽乃親翁媪年皆八十春
饒國啓封降絲綸上尊分賜光祿醇
道傍見者咨嗟頻此行豈爲思鱸蓴

觚稜遠瞻戀 嚴宸青雲我亦忝致
身先世贈典蒙深仁但恨不及生存
辰因君此圖淚霑巾

送巨德新郎中之蜀省

白頭相見又分襟遙指坤維出禁林
依水泛蓮三省幕飲冰餐檠一生心
行裝雖謝模糊錦束帶猶橫錯落金
撫蜀贊襄謀素定過家榮耀渥殊深
鄉民戴白歡爭迓先隴焚黃憶曷禁

報國不將知己累如君合向古人尋
前驅負弩初何效遠慮籌邊夙所欽
賢似嚴楊懷曩昔學同齊魯勸方今
里中試採王褒頌溪上聊追子美吟
倘有北來馳駟使丁寧佳信莫浮沉
再送巨郎中

官歷三省幕家無一囊錢玉堂方少
憇趣裝又西川憶昔從游童稚年別
時青鬢今華顛相逢京輦傾肺腑恍

若隔世俱茫然愛君真淳復通敏韓
國援引同周旋帝心簡在自潛邸呼
以姓名稱其賢此行贊畫制全蜀跡
未及到聲先傳劔關無險錦城樂憂
歡分却西南天職思第一固邦本要
使民庶沈疴蠲綏懷蠻徼得安靜百
廢具舉網維聯興學與薦士當務尤
所先不羨十萬矜腰纏不願一日官
九遷但期報

國兼不負知己石有可泐心彌堅

題準提菩薩詩卷

東坡當年笑羅什臨死徒然求呪術
豈如姑也得神授一念只已衆生疾
莫非補陀弘誓深借口勝出方千金
我雖未解浮屠法且喜能施濟物心

盧溝橋符氏雅集亭

盧溝石梁天下雄正當京師來往衝
紛紛行旅半英彥掉鞅振策無停蹤

苻家介側敬亭構坐對竒趣供醇釀
雖云好客成雅集問孰車騎真從容

題承慶堂詩卷

孫宣慰家

祖宗神武定九圍先正以勤耀

皇威于時善救羣兇衣惟恐傷人與
仁依一念若此福所歸紀功三葉照
常旂爵皆錫公世云稀他姓子孫或
已微君家燁燁猶光輝顏堂承慶要
發揮開卷爛然盈珠璣如松柏茂充

前徽籍用白茅其庶幾

贈傅神李肖巖

人生天地洪鑪中形色散殊俱不同
畫師筆底要真似妙想乃與天機通
肖巖後出獨超詣睥睨衆史如兒童
京師摹寫富箱篋竒厖福艾多王公
神情所賦各臻極千變萬化無終窮
遂為當代顧陸手足配向來褒鄂雄
明憲副本得寓自起敬毛髮森寒風

抵今聲價愈增重姓字已徹明光宮
塵容俗狀亦何者年齒未及先成翁
既無開朗謫仙韻又無圖畫凌煙功
君胡惠然肯相過坐對熟視心神融
煤鑿紙上畧點畫稍類雪月猶朦朧
湏臾壁間出幻影恍若面映新磨銅
人能肖吾不自肖內發感愧顏生紅
聖賢體貌等人爾所貴踐履惟能充
作詩答謝肖巖貺但恨意遠辭難工

題苗氏孝義旌表

昆季易世親疎分祖宗視之均子孫
譬猶樹木散枝葉氣脉由來同本根
集寧苗止心悟此和睦族黨懷深恩
父與仲季生異居季沒生理難爲存
代償逋負猶未已綴離合異仍相屯
迎歸仲父撫諸弟一家生意春溫溫
賢王嗟賞爲旌表煌煌大書孝義門
作詩稱頌遍寰宇從今庶化薄夫敦

題雲中郝克謙君讓孝義卷
雲中習俗尚豪武執德君無愧鄒魯
事親曲盡愛敬心送死何堪茹荼苦
三年喪經廬墓餘化被鄉閭非小補
復辭旌表恥徵名誰道今人不如古
題孝則衛奉常詩卷

日衛尊公留漠北千里孝思初不隔
一朝白首果來歸俱慶送終情兩獲
庭闈天許壽康寧子佐南省官詳刑

問安博得平安笑回顧頽然四寧馨
長庚書院

謫仙讀書桃花巖人去已遠餘松杉
李侯宦遊憇此地絕愛境勝超塵凡
買田意欲成卜築墾闢蒼莽觀空嵌
偶隨計偕到京國塵土滿馬緇素衫
白雲老人雅相厚導以良策出至誠
謂宜仙隱置書院名字不朽蒼崖劉
侯聞其言即許諾義氣勇徃先風帆

割田四百充廩餼內視炯炯神明監
要令菁莪助樂育豈憚草棘勞薙芟
大羹玄酒知正味一洗舊嗜偏酸鹹
行看弦誦殷山谷有似春意開機緘
千秋有客訪遺跡刮剔苔蘚尋書銜
九日翰林薛學士出舊寄李
述之長句次韻

翰林寓舍無往還所幸侍公函丈間
日聞清論已足慰意外得失何相干

茲辰雄篇肯見示要使詩社盟無寒
憶昔在家逢九日聊應故事登高山
菊萸且復繼桓景絲竹豈能希謝安
只今節物若無有但和佳句消餘閑
去家非同迫宛葉山川相繆工障隔
曉來搔首望西南長風吹我蕭蕭髮
一杯莫爲老親壽良愧尚作京師客
羈愁眼底可柰何忍看明日黃花蝶
題錢舜舉畫煙江疊嶂圖

江山奇絕吳楚鄉畫史又與生錢郎
錢郎下筆得天趣意象髣髴開衡湘
浮空水光接巨浸隔岸嵐翠摩穹蒼
幽巖梵宮半隱見老樹樵舍相迷藏
中流一葉泛小艇遠澗千尺橫脩梁
山居熙熙自太古下視擾擾徒奔忙
我來京國行九軌塵土眯目鬚眉黃
困餘偶作林壑夢歸計未遂驚彷徨
明窓豁然看此畫便覺骨次生清涼

何時挈舟徑成往長嘯振衣干仞崗
題中書掾王景先祖母八十

詩卷

景先母與其祖母兩世

孀居兩世茹荼毒惟善處之能受福
王家祖母八十餘眼見孤孫今食祿
蘭省歸來日未斜綵衣三釜清歡足
人生榮親固已稀何況詩書繼芳躅

題吳城廟

維人依神神依人吳城之廟宜明禋

襏褷祈禱不汝嗔水旱疾疫方顰呻
應若桴鼓臂屈伸尸其祝者唯張君
脩完祠宇囊資貧金碧煥爛還一新
爲君徼福非爲身黃冠濟世知無因
庶幾以此爲求仁

中秋日寄四川王克紹憲僉

秋風索索吹庭梧有美一人西南隅
我欲致之路云遠延頸搔首空長吁
若人溫粹天球質少日挾策遊京都

家庭詩禮固有自師友磨琢誠不誣
紫芝眉宇消鄙吝黃憲度量難澄汙
聲名籍甚滿壁水羽翼還起飛雲衢
蠶叢持憲乏指使烏府遷秩勞馳驅
鷹鷂擊強雖所職麟鳳化惡尤良圖
劔關連雲固天險日可隔斷心能踰
今朝有客索詩寄老筆信手慚糊塗
况當中秋月色好兩地光彩初何殊
舉杯屬君不可得夢寐儻能相見無

和薛秉彝冬菊詩二首

貞心自與竹梅友正色不知桃李妍
孤芳散殿復誰右衆卉前驅從汝先
天道循環純不已生意元行霜雪裏
欲將此理指示人思我親友看停雲

又

花中惟菊存晚節不比凡藥分媿妍
可憐一種更傑出霜雪賀賀誰敢先
先生愛花心未已妙選都入詩囊裏

分付此事今得人薛家有奴詞如雲

三用韻和前冬菊

黃衣綠裳秉貞德天地閉塞無妖妍
正如陶翁當晉季五斗棄擲知幾先
諸君佐命我獨已酌酒嗅英三徑裏
大書徵士乃斯人可惜羨新揚子雲
題李右丞明之孝感卷

君不見王祥昔日孝純至魚雀供養
皆可致又不見董生召南孝且慈狗

乳雞來哺其元李公視昔孝尤大瑞
鶴翔簷亦可恠父誤當誅請代之
聖恩憐憫俱全貸無何母亦晦雙瞳
以舌舐之昭發矇方其勇救豈復計
一念誠實能感通天與其壽登九秩
帝與其爵至來彌惟天惟帝庸可報
但守此志同金石祥曾有傳董有行
至今煇燁存芳跡翰林諸公詩已多
留待他年垂史筆

聞木犀香示德衡弟

木犀清芬何所似有如浩氣塞天地
羣芳馥郁雖可憐美等猶爲一國士
四時已變碧團團着藥黃金萬粟攢
天與世間香十日西風收拾上高寒

老人星壽德衡弟

煌煌南極老人星精氣下降爲仙靈
儼然被服清癯形盤右兀坐松蓋青
金童玉女供使令神龜曳尾鶴梳翎

鹿亦闖首如諦聽隨緣分
賜裕齋庭裕齋起敬嚴
中扃旃檀一炷兼德馨
錫以上壽仍康寧不用
保畱冷芝苓默存內景
黃庭經翁兄放言如建
瓴拊掌大笑三千齡

題米孝廉詩卷

米君孝廉節獨完教授鄉里不求官
養似曾參必有肉清如閔州寧無肝
玉潔制行風俗化柴毀執喪天性安

高門何必事旌表錫類要使人人觀

新麩米酒歌

梅愚先生命作就為壽

驕陽行空勢方烈刈麥農夫寧憚熱
天旋雷動飛玉塵霧渤雲蒸成麩藥
麥秋方罷還插秧擺極西風千頃黃
腰鎌肩檐行相逐共趁晴色催登場
碓舂糠粃光如雪汲泉淅米令清潔
炊糜糝麩麩同糗和元氣細縕未分裂
甕中小沸微有聲魚沫吐盡秋江清

腕中且漉仍且飲陶然自覺春風生
君不見淵明有田惟種秫醉裏作詩
聊自述又不見幽風十月穫稻忙春
酒介壽俱倘佯但願年年遇豐稔更
須三萬六千場

雜言

題鄧州宣差射虎圖

時貢虎

猛虎在深山藜藿為不採編鬚履尾
非人能託喻而言至危殆况欲決眼

取其睛無乃未得先葅醢倂來責貢
將何如南陽太守膽滿軀山間勇往
蒐索見馬上注矢彎雕弧一聲霹靂
射命中怒踊即仆挾乙無雙珠入手
電光滅獻於君所供藥需願侯無狃
此一舉褒鄂龔黃當自許用之敵愾
與除苛立收苛勲報明主

觀王維畫

摩詰本詩人精思詣元化緒餘臻畫

妙遂方吳子駕寫成高士奕棊圖意
態蕭然各間暇儒冠羽服對紋楸老
僧傍睨誠可詫形如槁木心死灰豈
識枰子有機獲抑亦至人聊自適肯
效澆風生變詐歷唐默計五百年一
着指間猶未下樵丁不獨爛斧柯閱
世紛爭幾王霸乃知非人看盡盡看
人今古滔滔等晷夜陳迹真成俯仰
間如掣電光明隙罅宣和殿中曾寶

玩題品愈重千金價當時內府收欲
觀誰敢借流落長存天地間在在護
持宜有神物爲憑藉

送李文鼎教授兼簡侯伯正

關中耆宿儒比歲多不幸惟餘侯奉
常今始識文鼎青山匹馬度崔嵬白
髮蕭蕭已垂領問其所事笑不言但
云此行特造請政猶欲水沃渴焦不
赴源泉目智井款曲詢知盤谷孫文

獻風流尚脩整春宵不寐聞鶉聲曉
起理裝趣歸程到家會我奉常兄莫
將涇渭分濁清要期健飯保脩齡九
十傳經如伏生

重陽被酒戲書多金謠

麕衣糲食留汝到華顛厚味羨姝催
汝歸黃泉人言多金可治生我道多
金只買死君不見兒孫笑擁老田翁
姬妾悲啼貴公子

順齋先生閑居叢藁卷二

